



**წალენჯიხის მუნიციპალიტეტის
ობუჯის თემის სამესხიოს უბანში
ჭაბურღილის მოწყობის და 20 ოჯახზე
შიდა ქსელის მოწყობის სამუშაოების
სახელმწიფო შესყიდვის გამარტივებული ელექტრონული ტენდერის
საშუალებით განხორციელების**

კლასიფიკატორის (CPV) კოდი და შესყიდვის კონკრეტული ობიექტი

76431000 - ჭაბურღილის ბურღვასთან დაკავშირებული მომსახურებები

სატენდერო დოკუმენტაცია

ქ. წალენჯიხა. აპრილი 2014 წელი.

ს ა რ ჩ ე ვ ი

1. ინსტრუქცია ტენდერში მონაწილეთათვის	2
2. ტექნიკური დოკუმენტაცია	2
3. სახელმწიფო შესყიდვის შესახებ ხელშეკრულების პროექტი	3
4. დამატებითი ინფორმაცია	8
5. დანართი №1,	10
6. დანართი №2	11
7. დანართი №3	11

1. ინსტრუქცია ტენდერში მონაწილეთათვის

- 1.1. სახელმწიფო შესყიდვების ერთიან ელექტრონულ სისტემაში (შემდგომში - სისტემა) პროცედურები ხორციელდება „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად. იხ. ვებ.გვერდი www.procurement.gov.ge.

2. საკვალიფიკაციო მოთხოვნები და ტექნიკური დოკუმენტაცია

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

2.1 საკვალიფიკაციო მოთხოვნები: იურიდიული პირებისათვის (მათ შორის ინდ.მეწარმეებისთვის)

2.1.1 ცნობა საჯარო რეესტრის ეროვნული სააგენტოდან, საჯაროსამართლებრივი შეზღუდვის არ არსებობის შესახებ;

2.1.2 ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია.

2.1.3. ცნობა საგადასახადო ორგანოდან ბიუჯეტის წინაშე დავალიანების არქონის შესახებ.

ფიზიკური პირებისთვის:

2.1.3 პირადობის მოწმობის ასლი;

2.1.4 ცნობა, შესაბამისი უფლებამოსილი ორგანოდან პრეტენდენტის პირის ქმედუნარიანობის შესახებ. (ჯანმრთელობის შესახებ ცნობა).

2.2 ტექნიკური დოკუმენტაცია

როგორც იურიდიული ასევე ფიზიკური პირებისათვის:

2.2.1 ფასების ცხრილი - დანართი 1.

2.2.2 ინფორმაცია რეკვიზიტები შესახებ – დანართი 2.

2.2.3 ინფორმაცია ანალოგიური სამუშაოების შესრულების შესახებ - დანართი 3-ის შესაბამისად.

2.2.4 სატენდერო დოკუმენტაციაზე ხელის მომწერისათვის უფლებამოსილი პირის მიერ გაცემული მინდობილობა (საჭიროების შემთხვევაში).

2.3 ადმინისტრაციული ორგანოებიდან წარმოსადგენი საკვალიფიკაციო მონაცემის დამადასტურებელი დოკუმენტების გაცემის თარიღი არ უნდა უსწრებდეს გამარტივებული ელექტრონული ტენდერის გამოცხადების თარიღს;

2.4 ამ პუნქტის 2.1 ქვეპუნქტით გათვალისწინებული, ადმინისტრაციული ორგანოდან წარმოსადგენი საკვალიფიკაციო მონაცემის დამადასტურებელი დოკუმენტი, დედნის სახით ან ნოტარიულად დამოწმებული ასლები, წარმოდგენილ უნდა იქნეს შემსყიდველი ორგანიზაციაში შესაბამისი ოქმით მოთხოვნილ ვადაში. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების

დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

2.5 პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემის წარმოდგენა შემსყიდველ ორგანიზაციაში ხორციელდება საქართველოს კანონმდებლობით დადგენილი ფორმით.

2.6 პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდინს ამ პრეტენდენტის დისკვალიფიკაციას.

2.7 ანგარიშსწორების პირობები

2.7.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული ყველა გადასახადის გათვალისწინებით.

2.7.2 ანგარიშსწორება მოხდება ეტაპობრივად უნაღდო ანგარისწორებით ლარში.

2.7.3 საბოლოო ანგარიშსწორება მოხდება საბოლოო მიღება-ჩაბარების აქტის გაფორმებიდან და სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ დასკვნის წარმოდგენიდან არაუმეტეს 20 დღეში. შემსყიდველი უფლებამოსილია ექსპერტიზის დასკვნის გაცემამდე შესრულებულ სამუშაოებზე შეაჩეროს საბოლოო ანგარიშსწორება ხელშეკრულების ჯამური ღირებულების 15 %-ის ოდენობით.

2.7.4 შუალედურ ანგარიშსწორებას განახორციელებს შემსყიდველი ორგანიზაცია ინდივიდუალურად მათთვის მიწოდებული სამუშაოს ღირებულების ოდენობით დადასტურებული ინსპექტირების ჯგუფის აქტის და შუალედური მიღება-ჩაბარების აქტის შესაბამისად.

2.7.5 შესაძლებელია საავანსო ანგარიშსწორება მიმწოდებლის მიერ მოთხოვნილი თანხის შესაბამისად, არაუმეტეს სატენდერო წინადადების ფასის 30%-ისა, იდენტური ოდენობის საბანკო გარანტიის წარმოდგენის საფუძველზე. საბანკო გარანტიის მოქმედების ვადა 1 თვით უნდა აღემატებოდეს ხელშეკრულების მოქმედების ვადას.

2.8 შესყიდვის ობიექტის მიწოდების ადგილი და ვადები:

2.8.1 სამუშაოს მიწოდების ადგილი: წალენჯიხის მუნიციპალიტეტი, ობუჯის თემი სამესხიოს უბანი.

2.8.2. სამუშაოს მიწოდების სავალდებულო ვადა: 2014 წლის 1 აგვისტომდე.

2.9 სამუშაოს აღწერილობა და ტექნიკური პირობები:

1. წალენჯიხის მუნიციპალიტეტის ობუჯის თემის სამესხიოს უბანში ჭაბურღილის მოწყობა

2. სამესხიოს უბანში 20 (ოცი) მოსახლეზე წყალსადენის შედა ქსელის მოწყობა.

2.10 სხვა პირობები

2.10.1 მიმწოდებლის მიერ ელექტრონულ სისტემაში ატვირთული ყველა დოკუმენტი უნდა იყოს ხელმოწერილი და ბეჭედ დასმული.

2.10.2 პრეტენდენტის მიერ წარმოდგენილი უნდა იქნეს წინამდებარე სატენდერო დოკუმენტაციით განსაზღვრული ინფორმაცია.

2.10.3 იმ შემთხვევაში თუ პრეტენდენტი სამუშაოს მიწოდებისთვის გამოიყენებს ქვეკონტრაქტორს, ასევე უნდა წარმოადგინოს ქვეკონტრაქტორის საკვალიფიკაციო დოკუმენტები და ინფორმაცია

დანართი № 1-ის შესაბამისად, რომლის მოცულობა უნდა იყოს დანართით მოთხოვნის არანაკლებ 50%.

2.10.4 შესრულებული სამუშაოს სრულფასოვანი ფუნქციონირების საგარანტიო ვადა 1 (ერთი) წელი, რომლის განმავლობაშიც „მიმწოდებელი“ ვალდებულია საკუთარი ხარჯებით უზრუნველყოს ექსპლოატაციის პროცესში წარმოქმნილი ხარვეზების აღმოფხვრა. აღნიშნული არ გულისხმობს საანგარიშო პერიოდში დაზიანების აღდგენას, თუ დაზიანება გამოწვეული იქნება დაუძლეველი ძალის ზეგავლენით.

2.10.5 მიმწოდებელმა მის მიერ შესრულებული სამუშაოს მოცულობის შესაბამისობის დასტურად უნდა წარმოადგინოს სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ დასკვნა შესრულებულ მოცულობებზე, რომლის ხარჯების უზრუნველყოფასაც განახორციელებს მიმწოდებელი.

2.10.6. თუ ტენდერში ელექტრონული ვაჭრობის შედეგად ყველაზე დაბალი ფასის წარმომდგენი პრეტენდენტის მიერ სისტემაში დაფიქსირებული საბოლოო ფასი 20 % –ზე დაბალია შესყიდვის ობიექტის სავარაუდო ღირებულებაზე, სატენდერო კომისიის მოთხოვნის შემთხვევაში პრეტენდენტმა ფასწარმოქმნის ადეკვატურობა და ამ ფასად ტენდერით გათვალისწინებული ვალდებულების შესრულების შესაძლებლობა უნდა დაასაბუთოს სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ დასკვნის საფუძველზე, ექსპერტიზის ხარჯებს გაიღებს „პრეტენდენტი“. ექსპერტიზის დასკვნის წარმოდგენისთვის განისაზღვრება 10 (ათი) სამუშაო დღე. დასკვნის წარმოუდგენლობა გამოიწვევს ტენდერში მონაწილე პრეტენდენტის დისკვალიფიკაციას.

2.10.7. თუ ტენდერში ელექტრონული ვაჭრობის შედეგად ყველაზე დაბალი ფასის წარმომდგენი პრეტენდენტის მიერ სისტემაში დაფიქსირებული საბოლოო ფასი 20 % –ზე დაბალია შესყიდვის ობიექტის სავარაუდო ღირებულებაზე, სატენდერო კომისიის იტოვებს უფლებას მოითხოვოს პრეტენდენტისგან ტენდერში დაფიქსირებული თანხის 10 %-ის შესაბამისი საბანკო გარანტია ხელშეკრულების შესრულების უზრუნველყოფის მიზნით, რომლის მოქმედების ვადა 30 კალენდარული დღით უნდა აღემატებოდეს ხელშეკრულების მოქმედების ვადას.

2.11. დოკუმენტაციის წარმოდგენის პირობები

მიმწოდებლის მიერ წარმოდგენილი ტექნიკური, საკვალიფიკაციო და ასევე სხვა ნებისმიერი დოკუმენტების წარმოდგენა ხორციელდება ელექტრონულად, სისტემის გამოყენების საშუალებით, ხოლო ყველა ზემოაღნიშნული დოკუმენტის დედნის სახით წარმოდგენა სავალდებულოა ხელშეკრულების გაფორმების მომენტში.

2.12. დამატებითი ინფორმაცია

2.12.1. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის გამოყენების საშუალებით წერილობითი მომართვის საფუძველზე.

2.12.2. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. ქ. წალენჯიხა, სალიას ქ. №5, მე-2 სართული. საკონტაქტო პირი: დავით სოსელია ტელ: 599 85 71 85.

3. სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების და შემსყიდველის მოთხოვნების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. წალენჯიხა

„-----“ „-----“ 2014 წ.

ერთის მხრივ წალენჯიხის მუნიციპალიტეტი, შემდგომში წოდებული „შემსყიდველი“, წარმოდგენილი საკრებულოს თავმჯდომარის დავით ბელქანიას სახით და მეორეს მხრივ -----, დირექტორის ----- სახით, შემდგომში წოდებული „მიმწოდებელი“, ვმოქმედებთ რა საქართველოს კანონმდებლობის და ელექტრონული ტენდერის შედეგის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს სამუშაოს მიწოდებას ამ ხელშეკრულების ფარგლებში.
- 1.6. „სამუშაო“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1. წალენჯიხის მუნიციპალიტეტის ობუჯის თემის სამესხიოს უბანში ჭაბურღილის მოწობის და 20 მოსახლეზე წყალსადენის მაგისტრალის მოწყობის სამუშაოები.

2.2 სატენდერო განცხადების ნომერი -----

2.3 კლასიფიკატორის (CPV) კოდი და შესყიდვის კონკრეტული ობიექტი: 76431000 - ჭაბურღილის ბურღვასთან დაკავშირებული მომსახურებები.

2.4 შესყიდვის საშუალება - გამარტივებული ელექტრონული ტენდერი.

2.5 დაფინანსების წყარო - სახელმწიფო ბიუჯეტი. (საქართველოს მთავრობის განკარგულება N34. 13.01.2014 წ)

3. ხელშეკრულების ღირებულება

3.1 ხელშეკრულების ღირებულება შეადგენს ----- ლარს.

3.2 ხელშეკრულების ღირებულება მოიცავს როგორც მისაწოდებელი სამუშაოს ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

3.4 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

3.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, სახელმწიფო შესყიდვის შესახებ ხელშეკრულების ჯამური ღირებულების გაზრდა დასაშვებია მხოლოდ 10%-ის ოდენობით.

4. მხარეთა ვალდებულებები

4.1 მიმწოდებელი ვალდებულია:

- ა) უზრუნველყოს სამუშაოს მიწოდება ტექნიკურ დოკუმენტაციაში განსაზღვრული პირობების შესაბამისად;
- ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;
- გ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

- ა) უზრუნველყოს ხელშეკრულების შესრულების კონტროლი;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები;
- გ) გადაუხადოს მიმწოდებელს შესრულებული სამუშაოს ღირებულება.

4.3 შემსყიდველი უფლებამოსილია მიმწოდებლის მიერ გაწეული სამუშაოს სატენდერო დოკუმენტაციასთან შესაბამისობის დადგენის მიზნით, განახორციელოს კონტროლი ინსპექტირების ჯგუფის საშუალებით.

5. ხელშეკრულების შესრულების კონტროლი

5.1. შემსყიდველი უფლებამოსილია განახორციელოს ხელშეკრულების შესრულების კონტროლი როგორც სამუშაოს მიწოდების დროს, ისე ამ ხელშეკრულების მოქმედების პერიოდში საჭიროებისამებრ.

5.2 შემსყიდველის შესაბამისი წარმომადგენელი (წარმომადგენლები, ინსპექტირების ჯგუფი) უფლებამოსილია ჩაატაროს მოცულობის კონტროლი და თუ აღმოჩნდება წუნდებული შესყიდვის ობიექტი, მიმწოდებელი ვალდებულია 20 (ოცი) დღეში გამოასწოროს წუნი, იმ შემთხვევაში თუ წუნის გამოსწორება შეუძლებელია და შემსყიდველს უკვე გადახდილი აქვს ღირებულება დაუბრუნოს შემსყიდველს აღნიშნული წუნდებული სამუშაოს ღირებულება.

6. მიღება-ჩაბარების წესი

სამუშაოს მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.

7. ანგარიშსწორება

7.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

7.2. შემსყიდველი იღებს ვალდებულებას გადაუხადოს მიმწოდებელს მიწოდებული სამუშაოს ღირებულება მიღება-ჩაბარების აქტის, სამშენებლო ფორმა 2-ს, ექსპერტის დასკვნის და საგადასახადო ანგარიშ-ფაქტურის წარმოდგენიდან არაუმეტეს 20 (ოცი) დღის განმავლობაში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

8. ხელშეკრულების შესრულების შეფერხება

8.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

8.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-10 მუხლის შესაბამისად.

9. ხელშეკრულების პირობების შეუსრულებლობა

9.1 წინამდებარე ხელშეკრულებით გათვალისწინებული პირობების დარღვევის შემთხვევაში მიმწოდებელს ეკისრება პირგასამტეხლო ხელშეკრულების საერთო ღირებულების 0.25%-ის ოდენობით ყოველ ვადაგადაცილებულ დღეზე.

9.3 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

9.4 პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

10. ხელშეკრულებაში ცვლილებების შეტანა

10.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლის ხელმოწერით.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. დავების გადაწყვეტა

11.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

11.2 თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

12. ხელშეკრულების შეწყვეტა

12.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

12.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

13. ხელშეკრულების მოქმედების ვადა

13.1 წინამდებარე ხელშეკრულებით გათვალისწინებული სამუშაოს მიწოდების ვადა განისაზღვრება 2014 წლის 1 აგვისტომდე.

13.2 ხელშეკრულების მოქმედების ვადა განისაზღვრება მისი ხელმოწერის დღიდან 2014 წლის 15 სექტემბრამდე.

14. ფორს-მაჟორი

14.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

14.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

15. სხვა პირობები

15.1 გამარტივებული ელექტრონული ტენდერის (N SPA-----) „ტექნიკური დოკუმენტაციის“ და „შედეგების ველში“ ატვირთული დოკუმენტები წარმოადგენს წინამდებარე ხელშეკრულების დანართებს.

15.2 ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ერთი-შემსყიდველს.

მუხლი 16. მხარეთა რეკვიზიტები და ხელმოწერები

„შემსყიდველი“

წალენჯიხის მუნიციპალიტეტი
ს. კოდი 242739248
მისამართი: ქ. წალენჯიხა სალიას
ქ. №5. III სართული
.ს.ს. „ლიბერთი ბანკი“
წალენჯიხის ფილიალი ბ. კოდი
LBRTGE22
ა/ა GE22LB0120179460264000
ტელ: 599 85 71 71

„მიმწოდებელი“

შპს „.....“
ს/კოდი
მისამართი:
ს.ს.
ბ. კოდი.....
ა/ა
ტელ:

დავით ბელქანია

.....

დანართი N1 ფასების ცხრილი.

N	სამუშაოს დასახელება	განზომილება	რაოდენობა	ერთ. ფასი	საერთო ფასი
1					
2					
3					
	ჯამი				
	ზედნადები ხარჯები %				
	ჯამი				
	გეგმიური დაგროვება %				
	ჯამი				
	დღგ 18%				
	სულ ჯამი				

დანართი №2

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშის ნომერი:

სახელმწიფო შესყიდვების ერთიან ელექტრონულ სისტემაში შემოთავაზებული

სატენდერო წინადადების ფასი:

დანართი N 3 ინფორმაცია ანალოგიური სამუშაოების შესრულების და გამოცდილების შესახებ.

N	შემსყიდველი ორგანიზაცია	სამუშაოს დასახელება	ხელშეკრულების N და ღირებულება	შესრულების ვადები დაწყება-დასრულება	ფაქტობრივი შესრულება
1					
2					
3					

პრეტენდენტს ბოლო 3 (სამი) 2011,2012,2013 წლების განმავლობაში შესრულებული უნდა ჰქონდეს 1 500 000 (ერთიმილიონ ხუთასიათასი) ლარის საინჟინრო და ჰიდროგეოლოგიური ბურღვითი სამუშაოები, რის დასტურადაც უნდა წარმოადგინოს აღნიშნულ პერიოდში გაფორმებული ხელშეკრულებები და მიღება –ჩაბარების აქტები (ასლები).

აღნიშნული დოკუმენტების წარმოდგელობა გამოიწვევს პრეტენდენტის დისკვალიფიკაციას.